



6/11/23

Ynghylch: **Adroddiad Effaith Hynt**

Mae Creu Cymru yn falch iawn o allu rhannu ein Hadroddiad Effaith newydd sbon ar gyfer Hynt, y cynllun mynediad cenedlaethol sy'n gweithio gyda theatrau a chanolfannau celfyddydau yng Nghymru i sicrhau bod cynnig cyson ar gael i ymwelwyr sydd â gofynion mynediad, a'u cyfeillion hanfodol.

Yr Adroddiad Effaith yw'r tro cyntaf i ni werthuso'r cynllun fel hyn. Rydyn ni wedi gweld y pŵer y gall mynediad at theatr a'r celfyddydau ei drawsnewid, ac roedd yn gyfle i atgyfnerthu ein stori, rhannu straeon ein defnyddwyr, ein lleoliadau a'n rhanddeiliaid. I rannu'r llwyddiannau a dangos beth sy'n wych, yn unigryw ac yn feiddgar am gynllun Hynt.

Mae Hynt yn Gynllun gan Gyngor Celfyddydau Cymru, a reolir gan Creu Cymru mewn partneriaeth â Diverse Cymru. Ym mis Mawrth 2014, cafodd Creu Cymru ei benodi gan Gyngor Celfyddydau Cymru (CCC) i weithio mewn partneriaeth â Diverse Cymru i ddarparu un cynllun hygyrchedd cenedlaethol ar gyfer cwsmeriaid ag anableddau a'u cyfeillion hanfodol. Datblygwyd Hynt gan a gyda phobl anabl, y trydydd sector, theatrau a chanolfannau celfyddydau.

Mae Hynt hefyd yn adnodd i unrhyw un sy'n awyddus i gael gwybodaeth neu newyddion am hygyrchedd ym myd y celfyddydau. Mae'r wefan yn cynnwys rhestr o'r holl berfformiadau hygyrch, a hefyd yn darparu'r wybodaeth ddiweddaraf am hygyrchedd mewn lleoliadau er mwyn helpu i gynllunio ymweliad. Drwy e-ddiweddariadau rheolaidd, gwefan Hynt a llwyfannau cyfryngau cymdeithasol, mae Hynt yn darparu gwybodaeth berthnasol a chyfredol am hygyrchedd ym myd y celfyddydau a'r theatr.

Mae Hynt yn fenter dan arweiniad cymheiriaid sydd wedi'i seilio ar y model cymdeithasol o anabledd. Mae'n gweithio law yn llaw â phobl anabl, gofawyr a'r trydydd sector i wella ansawdd profiadau mewn theatrau a chanolfannau celfyddydau i unrhyw un sydd â gofynion hygyrchedd.

Ym mis Hydref 2023, mae Hynt wedi cyhoeddi 29,866 o gardiau i aelodau er mwyn iddynt allu defnyddio eu cardiau Hynt mewn dros 41 o theatrau, canolfannau celfyddydau a lleoliadau cyswllt ledled Cymru.

Mae Creu Cymru yn hyrwyddo'r celfyddydau perfformio yng Nghymru. Mae wedi'i greu fel corff aelodaeth. Mae aelodau Creu Cymru yn cynrychioli bron pob un o ganolfannau celfyddydau a theatrau proffesiynol y wlad, ynghyd â chwmnïau cynhyrchu, ar wahanol raddfeydd. Nod Creu Cymru yw bod yn rhwydwaith bywiog a blaenllaw o weithwyr proffesiynol ym myd y celfyddydau perfformio ar draws Cymru.

Rydym yn ddiolchgar i Arts Council England am ariannu'r adroddiad hwn ac i Abigail Tweed – Mileston Tweed a Mark Richardson – Social Impact Consulting am gynnal adroddiad mor gynhwysfawr.

Dyma rai o uchafbwyntiau anhygoel yr adroddiad:

- Dywedodd 76% o aelodau fod bod yn rhan o Hynt wedi gwella eu mynediad at ddiwylliant.



*Yn Gosod y Llwyfan I'r Celfyddydau Perfformio yng Nghymru  
Setting the Stage for the Performing Arts in Wales*

- Byddai 89% yn mynd i'r theatr yn llai aml os na fyddai ganddyn nhw gerdyn Hynt, a fyddai 14% ddim yn mynd o gwbl.
- Mae 82% yn dweud bod mynd i'r theatr yn rhywbeth mwy fforddiadwy yn sgil Hynt.
- Mae 68% o aelodau'n dweud bod Hynt yn gwella eu mynediad ffisegol i leoliadau.
- Mae 52% yn dweud eu bod yn gallu cael gafael ar gynnwys yn well.
- Mae 81% o aelodau'n dweud bod Hynt yn cynyddu lefel y rhyngweithio cymdeithasol yn eu bywyd.

O ganlyniad i fod yn rhan o gynllun Hynt, roedd nifer yr ymweliadau â theatr wedi cynyddu 75% ymysg unigolion sy'n aelodau o Hynt. Roedd hyn wedi arwain at **144,000** yn fwy o ymweliadau â'r theatr ledled Cymru, gyda hanner ohonyn nhw'n docynnau pris llawn. Dywedodd 58% o aelodau eu bod wedi ymweld â lleoliad newydd o ganlyniad i Hynt.

Am bob tocyn am ddim roedd lleoliadau'n ei roi i aelodau Hynt, roedden nhw'n gwneud **£23.53** o refeniw ychwanegol ar gyfartaledd.

Hefyd, mae'r economïau lleol o amgylch lleoliadau Hynt yn gweld budd o £3,261,200 y flwyddyn.

**Am bob £1 sy'n cael ei gwario ar Hynt, mae £6.05 o werth cymdeithasol yn cael ei greu.**

Mae canolfannau Hynt yn cynhyrchu £42.33 mewn gwerth ychwanegol am bob tocyn am ddim maent yn ei roi.

Rydym wedi atodi crynodeb gweithredol yr adroddiad. Gellir gweld yr adroddiad llawn yma:  
<https://arts.wales/cy>

Byddem yn hapus iawn i drafod yr adroddiad ymhellach neu i ateb unrhyw gwestiynau sydd gennych am y cynllun.

Cofion gorau,

Louise Miles-Payne, Cyfarwyddwr, Creu Cymru